



Adresseinformasjon fylles inn ved ekspedering.
Se mottakerliste nedenfor.

Dato: 19.01.2021
Vår ref: 20/01714-13
Deres ref:

Tildeling av driftskonsesjon etter minerallova for Masseuttak Nesjane i Kinn kommune. Tiltakshavar: Ramsdal Maskin AS

POST- OG BESØKSADRESSE
Ladebekken 50
7066 Trondheim

TELEFON +47 73 90 46 00
E-POST post@dirmin.no
WEB www.dirmin.no

GIRO 7694.05.05883
SWIFT DNBNOKK
IBAN NO5376940505883
ORG.NR. NO 974 760 282

SVALBARDKONTOR
TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) viser til søknad om driftskonsesjon datert 07.04.2020 fra Ramsdal Maskin AS, org. nr. 998 819 105.

1. Tildeling av driftskonsesjon

Direktoratet for mineralforvaltning med Bergmeisteren for Svalbard (DMF) viser til søknaden om driftskonsesjon datert 07.04.2020 fra Ramsdal Maskin AS, org. nr. 998 819 105. Ramsdal Maskin AS, org. nr. 998 819 105, heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av byggeråstoff og industrimineral i Masseuttak Nesjane på eideomen gnr./bnr. 52/76 i Kinn kommune. Mineralførekosten hører til kategorien mineral som grunneigaren eig.

Konsesjonsområdet har eit areal på kring 6,9 daa og går fram av kart med namn «Konsesjonsområde Nesjane Kinn Kommune», vedlegg 1.

Etter reguleringsplan «Eikefjord - Nesjane, Gbnr.52/1,2 m.fl., Industri, bustad m.m.» med planID «140119860103» er området regulert til «industriareal».

Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving. Tiltakshavaren er ansvarleg for å innhente andre nødvendige løyve.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF.



Dersom Tiltakshavaren ønskjer å gjere vesentlege avvik fra driftsplanen, skal DMF godkjenne dette på førehand.

DMF kan krevje ny oppmåling og at ajourførte kart og profilar skal sendast inn når DMF finn det nødvendig.

2.2. Økonomisk sikkerheit

Tiltakshavaren blir pålagd å stille økonomisk sikkerheit med NOK 600 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti som ein påkravsgaranti for eit beløp på NOK 600 000 som skildra i punkt 5.11.

Før drifta startar skal Tiltakshavaren ha:

- (i) inngått ein avtale om finansiell sikkerheit med DMF, vedlegg 2;
- (ii) lagt fram påkravsgaranti frå bank som DMF vurderer som tilfredsstillande, vedlegg 3.

2.3. Bergteknisk ansvarleg

Det skal utan grunnlaust opphold sendast skriftleg melding til DMF om alle skifte av bergteknisk ansvarleg for eit uttak.

3. Godkjenning av driftsplan

DMF godkjenner driftsplanen for Nesjane i Kinn kommune. Den godkjende versjonen av driftsplanen ligg ved dette konsesjonsvedtaket.

4. Høyring

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Fylkesmannen i Vestland, Kinn Kommune, Vestland Fylkeskommune, samt aktuelle naboar.

Høringsperioden var frå 2. november 2020 til 30. november 2020.

Frå høyringsfråsegnene har DMF særleg merkt seg dette:

Fylkesmannen i Vestland:

Fylkesmannen hadde innleiingsvis enkelte innvendingar mot tiltaket, kva gjeld naturtypelokaliteter og at verksemda måtte hindre partikkelavrenning frå tiltaket mot nærliggande myr og vassdrag. Fylkesmannen påpeker også tiltakshavars plikt til å innhente utsleppsløyve osv.

Tiltakshavar har i dialog med Fylkesmannen justert driftsplanen, slik at fallretninga på tiltaket er snudd, samstundes som en fjellkant vil stå att langs tiltakets nordlige grense.



Fylkesmannen konkluderer difor med at det ikkje lenger en naturfaglege innvendingar mot at det blir gitt driftskonsesjon.

DMFs kommentar:

DMF tar endringa i driftsplanen og Fylkesmannens nye konklusjon til etterretning. Det gjerast merksam på at tiltakshavar har ei sjølvstendig plikt til å innhente andre naudsynte konsesjonar, i tillegg til godkjent driftskonsesjon etter minerallovens regler, jf. minerallova § 5.

5. DMF si vurdering

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekommstar på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnsmessig prøving før det blir avgjort om det skal gjevest driftskonsesjon. I vurderinga av om det skal gjevest driftskonsesjon skal det leggjast vekt på om søkjaren er "skikka" til å utvinne førekommsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekommsten. I vurderinga av om det skal gjevest driftskonsesjon skal det også leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevest konsesjon.

DMF har vurdert konsesjonssøknaden slik:

5.1 Utvinningsrett

Mineralførekommsten som skal utvinnast tilhøyrar kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekommsten. Tiltakshavaren har i søknadsprosessen lagt fram ein avtale med grunneigaren for gnr./bnr. 52/76, datert 1. april 2020, som dokumentasjon for utvinningsrett.

Avtalen gjev Tiltakshavaren utvinningsrett til førekommsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekommsten.

5.2 Arealstatus for tiltaket

Konsesjonsområdet har eit areal på kring 6,9 daa og går fram av kart med namn «Konsesjonsområde Nesjane Kinn Kommune».



Etter reguleringsplan «Eikefjord - Nesjane, Gbnr.52/1,2 m.fl., Industri, bustad m.m.» med planID 140119860103 er området regulert til «industriareal.

5.3. Økonomien i prosjektet

DMF har vurdert den vedlagde informasjonen om økonomien i prosjektet. Etter DMF si vurdering er prosjektet økonomisk gjennomførbart.

5.4. Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomensten innanfor arealet på 7 dekar som søknaden gjeld. Det totale volumet fast fjell som skal takast ut er estimert til 42 000 m³. Det årlege uttaket vil variere med marknaden, men det planlagde uttaket per år er 28 000 faste m³. Det er planlagt drift i ein etappe. Det blir òg presentert ein plan for sikring og avslutting. Planen er å føre brotområdet tilbake til industriføremål.

Etter DMF si vurdering kan den vedlagde versjonen av driftsplan for Nesjane i Kinn kommune godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjoner eller andre endringar i føresetnadene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

5.5. Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemeld.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.



5.6. Søkjaren sin kompetanse for drift av førekomsten

I vurderinga av om søkjaren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Endre Kalland som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

I tillegg har søkeren opplyst at desse personane med teknisk og bergfagleg kompetanse arbeider i føretaket:

Tommy Sæterlid er ansatt i føretaket og har kompetanse som bergsprenger og bergsprengingsleiar. Kjell Ove Yri er ingeniør frå iVest Consult AS og er leid inn.

Etter DMF si vurdering har Tiltakshavaren tilstrekkeleg kompetanse til å drive førekomsten.

5.7. Dei miljømessige konsekvensane av utvinning

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne.

Det finst ein reguleringsplan for uttaket.

Biologisk mangfald – vurdering etter naturmangfaldlova

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyningsfråsegner og eigne søk i Naturbase og Artskart (gjennomførte den 25.08.2020) er lagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Oppsummering av kunnskapsgrunnlaget:

Arter:

Det er gjort funn av bl.a. fiskemåke, hønsehauk og sandsvale i området. I Fylkesmannens høyningsfråsegns framkommer det at: «Nokre av registreringane har dårlig presisjon, men mange av fugleregistreringane har med Eikefjordholmane naturreservat å gjere.

Oppfølging av hekkebestandane i Eikefjordholmane naturreservat viser at sprengingsaktiviteten i området truleg ikkje har påverka talet på hekkande fuglar. Samstundes har vi sett nokre endringar i artsutvalet på Notaholmen, den mest eksponerte av dei tre holmane i naturreservatet når det kjem til støy».

Naturtypelokaliteter:



Konsesjonsområdet ligg nær to naturtypelokaliteter av typen «Rik kulturlandskapssjø». Det er Litlevatnet i nordaust og Storevatnet nordvest. I høyringsfråsegnet fra Fylkesmannen i Vestland framkjem følgande:

«Begge er dårlig undersøkte, med ved ei rask kartlegging i Storavatnet i 2007 vart det funne åtte nye artar. Litlevatnet er vanskelegare tilgjengeleg, men er truleg minst like artsrik. Fuglelivet i vatna er ikkje kartlagt, men har truleg allereie vore negativt påverka i fleire år av støy og menneskeleg aktivitet.

Sør for Litlevatnet ligg ein svartorsumpskog. Dette er ein raudlista naturtype (sårbar, VU), men lokaliteten har ikkje blitt nøyaktig avgrensa. Noko av den ser ut til å vere omfatta av naturtypeavgrensinga rundt Litlevatnet. Det delvis skogdekte myrområdet som ligg mellom Litlevatnet og Storevatnet, som det omsøkte steinbrotet grensar til i nord, er ikkje undersøkt. Alle myrer har stor verdi som karbonlager, og i dette tilfellet omfattar myra dessutan ein raudlista svartorsumpskog og grensar mot eit vatn som er registrert som naturtypelokalitet med verdi B».

Etter tiltakshavars justerte planer, er Fylkesmannens vurdering og konklusjon imidlertid følgende:

«I dei justerte planane er fallet i byggegropa endra slik at fallet blir mot sør-sørvest, og dermed bort frå myra. Uttaksområdet får over ei strekning på 70 m ein høgdeforskjell på 70 cm (frå 12,2 moh i nord til 11,5 moh i sør). Langs delar av grensa for uttaksområdet mot myrområdet i nord vil det dessutan bli ståande ein kant som hindrar avrenning. Ettersom det vil skje mye arbeid i området før det er ferdig planert med korrekt fall mot sør, burde det ideelt sett stå igjen ein terrengkant langs ein lengre, samanhengande del av grensa mot myrområdet i nord, men vi kan likevel akseptere den føreslalte justeringa. Dette er basert på at det bør vere mogleg å ta ut Stein frå området på ein slik måte at det i minst mogleg grad skjer avrenning av steinstøv nordover ved nedbør, og vi har også tatt utgangspunkt i opplysningar frå dykk om at bergarten i området er hard og gir lite støv ved bryting og bearbeiding.

Det siste poenget betyr ifølgje tilbakemeldinga dykker at det heller ikkje vil vere aktuelt å ta vatn frå dei to naturtypelokalitetane Storevatnet og Litlevatnet for å redusere støvproblem ved steinknusing i tørre periodar. Fordi bergarten gir lite finstoff, har det så langt vore tilstrekteleg å bruke vatn frå kommunalt leidningsnett og ein vanleg hageslange.

Ut frå dette har Fylkesmannen ikkje lenger naturfaglege innvendingar mot at det blir gitt driftskonsesjon med dei justeringane som er gjort i brevet datert 8.12.20 og medfølgande vedlegg»

Etter DMF si vurdering vil slikt uttak av massar som det er søkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Etter naturmangfaldlova § 10 skal den samla belastinga på økosystem og naturmangfaldet i regionen vurderast.



Observasjonane og registreringane av fuglebestander har lav presisjon, og oppfølging av hekkebestandene viser at sprengningsaktiviteten truleg ikkje har innverknad på fuglebestandene.

Tiltakshavar har endra fallretninga på uttaket, i tillegg til at en kant blir stående igjen i nordenden av konsesjonsområdet. Dette medfører at overflatevatnet fra området ikkje renn nordover mot naturtypelokaliteta rundt Storevatnet og Litlevatnet.

Bergarten i konsesjonsområdet er hard og genererer svært lite finstoff. Tiltakshavar vil nytte kommunalt ledningsnett ved behov for vatning.

DMF har kome til at det ikkje finst avgjerande moment som talar mot å innvilge konsesjon.

5.8. Tilhøvet til omgjevnadene og dei nærliggjande områda under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

I driftsplanen blir det opplyst om at området er sikra med midlertidig gjerde under drift. Ved tilkomsten til området er det planlagt å setje opp ein port som kan stengast og låsast for ivedkommande. Det blir også opplyst om at det vil bli montert skilt på gjerde mot aust og nord. Reinsk av brotveggar vil bli utført med maskin etter sprenging, delvis med meisel. Nedanfor brotvegg vil det bli etablert ein fangvoll som sikring ved eventuelle mindre nedfall.

DMF har kome til at tiltaka er tilfredsstillande for ivaretaking av omsynet til omgjevnadene og dei nærliggjande områda under drift.

5.9. Kva tiltaket vil ha å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga sand, grus, pukk og leire (byggjeraåstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg.

Ressursen består av kvarts-skifer, feltspatisk kvartsitt, kvartsitt og meta-arkose. Føremålet med masseuttaket er å gjeve moglegheit til utviding av eksisterande industri i området og/eller gjeve tilgang til meir næringsareal for framtidig industrietablering. Uttekte massar vil bli brukt i eigne prosjekt av tiltakshavar eller seljast vidare til andre føretak. Massar for vidaresal vil bli grov- og finknust og eventuelle restmassar blir selde som kabelsand, grus og singel.

5.10. Langsiktig planlegging for etterbruk eller tilbakeføring av området

I driftsplanen blir det opplyst om at ved avslutting av uttaket skal området vere ferdig opparbeidd og planert, og klar for utviding av eksisterande eller ny industri. Ved avslutting skal eksisterande infrastruktur nyttast. Så langt det er mogleg, skal det nyttast naturleg revegtering med eksisterande frøbankjord ved istandsetjing av dei aktuelle områda kring uttaket. Det vil ved avslutting stå igjen ein pall og det vil bli



utført sluttreinsk og eventuelt også bolting. Området skal sikrast med permanent gjerde kring uttaket.

Etter DMF si vurdering er dei planane som finst for etterbruk eller tilbakeføring tilfredsstillande.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.

Tiltakshavar har foreslått ein økonomisk sikkerhet på NOK 197 325, stilt som bankgaranti. Beløpet er berekna med utgangspunkt i DMF sin modell for berekning av økonomisk sikkerhet.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekke Tiltakshavaren si sikrings- og oppryddingsplikt.

Forslaget til økonomisk sikkerheit frå tiltakshavar er for lavt og ligg under minimumsbeløpet for uttak av fast fjell.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 600 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på sine eigne erfaringstal for tilsvarande uttak, med tillegg for eksterne og uventa kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti.

Før drifta startar skal Tiltakshavaren stille ein bankgaranti som DMF vurderer som tilfredsstillande som påkravsgaranti for eit beløp på NOK 600 000.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre naudsynte sikrings- og oppryddingstiltak som DMF godtek;
- (ii) Ved konkurs, opphør eller anna avvikling av Tiltakshavaren si verksemد; og
- (iii) Dersom konsesjonen blir trekt attende.



Ved melding til garantisten om at eitt av tilfella nemnde i punkt (i)–(iii) over har oppstått har DMF rett til å få utbetalt det kravet som blir gjort gjeldande etter bankgarantien, utan omsyn til motseigner frå Tiltakshavaren.

Bankgarantien fell bort etter skriftleg samtykke frå DMF.

5.11.3. Rapportering og dokumentasjon

DMF finn det naudsynt at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart.

DMF kan òg ha behov for meir rapportering og dokumentering enn det som er skildra over, og finn det difor naudsynt å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

Dersom det blir endringar i krava til sikkerheit pliktar Tiltakshavaren å stille med ny påkravsgaranti og/eller signere en pantsettingserklæring som skal sendast banken, og inngå ein ny avtale om finansiell sikkerheit dersom denne skal bestå av anna enn bankgaranti aleine.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekomst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdraging av utvinningsretten.

7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF.



Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd

Drifta skal utførast med varsemd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på området som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekosten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

Rapportering

Tiltakshavaren skal sende årleg driftsrapport til DMF via «Min side» på dirmin.no.

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

For nærmare informasjon om minerallova med tilhøyrande forskrifter, sjå heimesida vår på www.dirmin.no. Her finn du og vår digitale kartløysning, som er eit nytig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.



Med helsing

Unni Garberg
seksjonssjef

Vegard Nymoen
rådgivar

Dokumentet er elektronisk signert og har difor ikkje handskrivne signaturar.
Sakshandsamar: Vegard Nymoen

Vedlegg:

Vedlegg 1 Kart over konsesjonsområdet Nesjane

Vedlegg 2 AVTALE OM FINANSIELL SIKKERHETSSTILLELSE Nesjane

Vedlegg 3 PÅKRAVSGARANTI Nesjane

Vedlegg 4 Godkjent driftsplan Nesjane

Vedlegg 5 Adresseliste - Nesjane

Mottakrar:

Ramsdal Maskin AS Fjordgata 5 6900 FLORØ

Kopi til:

Statsforvalteren i Vestland Njøsavegen 2 6863 LEIKANGER
Vestland fylkeskommune Postboks 7900 5020 BERGEN
Kinn kommune Postboks 294 6701 MÅLØY